

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA

Broj: T04 0 KT 0050747 24
Zenica, 25.02.2025. godine

OPĆINSKI SUD U TEŠNJU
T E Š A N J

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

1. B. E., *osuđivan*,
2. D. A., *osuđivan*,

što su,

dana 01.10.2022. godine, oko 19,30 sati, na području općine T., nasiljem prema drugome, izazivanjem tuče i naročito drskim i bezobzirnim ponašanjem ugrozili građanski mir oštećenih B. A., K. B. i K. S., na način da nakon što su se oštećeni dovezli putničkim motornim vozilom „BMW“ vlasništvo K. S., u mjestu J. u Ulici M. do neposredne blizine kuće u kojoj stanuje B. E., kako bi S. riješio nesuglasice sa E. oko E. kćerke Š. sa kojom S. zajedno živi, pa kako nisu zatekli E. kod njegove kuće, istoga B. više puta pozivao na telefon da dođe kući kako bi to riješili, te nakon što je E. B. putem telefona rekao da je kod kuće, oštećeni se ponovo vozilom dovezli do kuće B. E., i u momentu dok su se u dvorištu ispred kuće nalazili optuženi, dolazi Š. i obraća se ocu riječima: „Stari, neko će poginuti“, nakon čega uzimaju drvene palice i zadaju udarce oštećenima po tijelu, uslijed čega su oštećeni zadobili lake tjelesne ozljede i to B. A. u vidu nagnječenje-uboj u predjelu desne podlaktice i desnog ramena, K. S. u vidu nagnječnorazdorna rane na glavi-tjemenu, te oštećeni K. B. u vidu nagnječno razderna rana na glavi u području zatiljka i krvni podliv na grudnom košu straga obostrano, svjesni da takvo njihovo ponašanje će izazvati tuču i ugroziti građanski mir kod drugih, što su i htjeli, pa kada su oštećeni počeli da bježe, sa drvenim palicama nastavili da udaraju po PMV „BMW“ kojom prilikom su razbili sva stakla na putničkom motornom vozilu, kojom prilikom je oštećeni K. S. oštećen za iznos od oko 8.000,00 KM, svjesni da na taj način oštećuju tuđu stvar, što su i htjeli,

dakle, zajedno nasiljem i naročito drskim i bezobzirnim ponašanjem prema drugom ugrozili građanski mir i izazvali tuču, te oštetili tuđu stvar,

čime su počinili krivično djelo nasilničko ponašanje iz člana 362. stav 2. u vezi sa stavom 1. KZ F BiH i krivično djelo oštećenje tuđe stvari iz člana 293. stav 1. KZ F BiH u vezi sa članom 31 i 54. KZ F BiH.